

Headline	Frim hitung jejak karbon jimatkan tenaga		
MediaTitle	Sinar Harian		
Date	03 Jul 2012	Color	Full Color
Section	Nasional	Circulation	60,000
Page No	37	Readership	180,000
Language	Malay	ArticleSize	180 cm <sup>2</sup>
Journalist	N/A	AdValue	RM 990
Frequency	Daily	PR Value	RM 2,970



# Frim hitung jejak karbon jimatkan tenaga

**INSTITUT** Penyelidikan Perhutanan Malaysia (Frim) telah memulakan inisiatif untuk menghitung jejak karbonnya (*carbon footprint*) setiap tahun bermula 2011 bagi menjimatkan tenaga dengan mengurangkan pembaziran dan kos operasi.

Langkah ini juga bertujuan menunjukkan komitmen mereka dalam melaksanakan program penjimatan tenaga untuk memastikan pengurusan yang lebih cekap.

Ketua Pengarahnya, Datuk Dr Abd Latif Mohmod telah mendedahkan inisiatif ini ketika sesi taklimat program lawatan media ke Stesen Penyelidikan Frim di Mata Ayer, Perlis, baru-baru ini bersempena sambutan Hari Alam Sekitar Sedunia.

Beliau berkata, anggaran jumlah jejak karbon Frim bagi 2011 adalah 5,332 metrik tan CO<sub>2</sub>-e dan kira-kira 6.1 metrik tan CO<sub>2</sub>-e jika berasaskan per kapita.

Pelepasan gas rumah hijau (GHG) Frim adalah berdasarkan teras aktiviti kajian dan penyelidikan (R&D) seperti penggunaan elektrik, perjalanan tugas dan pengangkutan yang diperlukan untuk pelaksanaan aktiviti ini.

Penghitungan jejak karbon ini dicadangkan oleh Abd Latif tahun lalu dengan tujuan untuk

menunjukkan kesungguhan serta komitmen agensi itu terhadap penjagaan alam sekitar.

Kumpulan Kerja Jejak Karbon Frim yang diketuai oleh Timbalan Ketua Pengarah, Dr Mohamed Nor Mohd Yusoff dan terdiri daripada 17 ahli dari pelbagai bahagian telah ditubuhkan pada Mei 2011.

Frim merupakan institusi pertama di Malaysia yang mengisytiharkan pelepasan

karbonnya. Dengan langkah ini, Frim dapat mengambil tindakan serta inisiatif sesuai untuk melindungi alam sekitar.

"Saya harap usaha ini akan menggalakkan organisasi lain untuk menghitung jejak karbon mereka dan menyumbang terhadap usaha pemuliharaan alam sekitar dan hutan negara.

- **SUMBER PORTAL FRIM**



Pihak Frim sedang memberi penerangan kepada media pada sesi taklimat mengenai inisiatif jejak karbonnya.